



Fletinformacion për çështjen gjyqësore

Prokurori i Specializuar k. Hashim Thaçi, Kadri Veseli, Rexhep Selimi dhe Jakup Krasniqi (Numri i çështjes KSC-BC-2020-06)

HASHIM THAÇI



Shef i Drejtorive Politike dhe të Informimit të Ushtrisë Çlirimtare të Kosovës (UÇK); Kryeministër i Qeverisë së Përkohshme të Kosovës (QPK) dhe Kryekomandant i UÇK-së.

KADRI VESELI



Anëtar i Drejtorisë Politike të UÇK-së dhe shef i shërbimit të zbulimit të UÇK-së; shef i Shërbimit Informativ të Kosovës dhe Ministër i Shërbimit Informativ në QPK.

REXHEP SELIMI



Shef i Drejtorisë Operative të UÇK-së; Inspektor i Përgjithshëm i UÇK-së dhe në fund të marsit 1999, me krijimin e QPK-së, ministër i Rendit Publik/ministër i Punëve të Brendshme në QPK.

JAKUP KRASNIQI



Anëtar i Drejtorisë Politike të UÇK-së dhe zëdhënës zyrtar i UÇK-së; zëvendëskomandant i UÇK-së; zëdhënës i QPK-së.

Aktakuza

Aktakuza e rishikuar u konfirmua më 26 tetor 2020; u bë publike më 5 nëntor 2020.

Aktakuza e korrigjuar dhe e ndryshuar u dorëzua më 3 shtator 2021.

Aktakuzën më të fundit mund ta gjeni [këtu](#).

Gjykatës

Gjykatësi i Procedurës Paraprake:
Nikola Giju

Arrestimi/ Transferimi/ Paraqitja e parë

Thaçi: u arrestua më 5 nëntor 2020 në Kosovë dhe të njëjtën ditë u transferua në Hagë; paraqitja e parë u mbajt më 9 nëntor 2020: u vetëdeklarua i pafajshëm në lidhje me të gjitha pikat e aktakuzës.
Veseli: u arrestua më 5 nëntor 2020 në Kosovë dhe të njëjtën ditë u transferua në Hagë; paraqitja e parë u mbajt më 10 nëntor 2020: u vetëdeklarua i pafajshëm në lidhje me të gjitha pikat e aktakuzës.
Selimi: u arrestua më 5 nëntor 2020 në Kosovë dhe të njëjtën ditë u transferua në Hagë; paraqitja e parë u mbajt më 11 nëntor 2020: u vetëdeklarua i pafajshëm në lidhje me të gjitha pikat e aktakuzës.
Krasniqi: u arrestua më 4 nëntor 2020 në Kosovë dhe të njëjtën ditë u transferua në Hagë; paraqitja e parë u mbajt më 9 nëntor 2020: u vetëdeklarua i pafajshëm në lidhje me të gjitha pikat e aktakuzës.

Informacion i përgjithshëm

Krimet e paraqitura në aktakuzë ndodhën më së paku midis marsit 1998 deri në shtator 1999, në kontekstin e konfliktit të armatosur dhe në lidhje me konfliktin e armatosur ndërmjet forcave të UÇK-së dhe forcave të Republikës Federale të Jugosllavisë (RFJ) dhe të Republikës së Serbisë, ndër të cilat njësite të Ushtrisë Jugosllave, njësite policore dhe njësite të tjera të Ministrisë së Punëve të Brendshme dhe grupe të tjera që luftonin në emër të RFJ-së dhe Serbisë.

Sipas aktakuzës, Hashim Thaçi, Veseli, Selimi, Krasniqi, dhe anëtarë të tjerë të ndërmarrjes kriminale të përbashkët kishin qëllimin e përbashkët për të siguruar dhe ushtruar kontroll mbi të gjithë Kosovën përmes metodave që përfshinin frikësimin, keqtrajtimin, ushtrimin e dhunës dhe eliminimin e paligjshëm të atyre që konsideroheshin si kundërshtarë. Pretendohet se ndër këta kundërshtarë përfshiheshin persona që ishin ose perceptoheshin se kishin qenë: (a) bashkëpunëtorë ose të lidhur me forca, zyrtarë ose institucione të RFJ-së; ose (b) ndryshe nuk mbështetnin qëllimet ose metodat e UÇK-së dhe më vonë të QPK-së, ndër të cilët persona të lidhur me Lidhjen Demokratike të Kosovës dhe serbë, romë, dhe persona të kombësive të tjera.

Akuzat

Thaçi, Veseli, Selimi dhe Krasniqi ngarkohen me përgjegjësi penale individuale (neni 16(1)(a) i Ligjit) dhe me përgjegjësi penale si eprorë (neni 16(1)(c) i Ligjit) për:

Krime kundër njerëzimit (përndjekje, burgosje, akte të tjera çnjerëzore, torturë, vrasje të paligjshme dhe zhdukje me forcë të personave, në bazë të nenit 13 të Ligjit); dhe

Krime lufte (arrestim dhe ndalim i paligjshëm ose arbitrar, trajtim mizor, torturë, dhe vrasje të paligjshme, në bazë të nenit 14 të Ligjit).

Faza e çështjes gjyqësore

Në procedurë paraprake

Procedurat para Dhomave të Specializuara të Kosovës**PROCEDURA PARAPRAKE**

Më 23 prill 2020, pas njoftimit të bërë nga Prokurori i Specializuar se kishte ndër mend të niste procedim penal, Kryetarja caktoi gjykatësin Nikola Giju si Gjykatës të Procedurës Paraprake.

Më 24 korrik 2020, Prokurori i Specializuar dorëzoi aktakuzën e rishikuar për konfirmim në pajtim me urdhrin e Gjykatësit të Procedurës Paraprake.

Më 26 tetor 2020, Gjykatësi i Procedurës Paraprake konfirmoi aktakuzën e rishikuar kundër të katër të akuzuarve dhe lëshoi fletarrestime dhe urdhra për transferimin e tyre.

Më 9,10 dhe 11 nëntor 2020, Thaçi, Veseli, Selimi dhe Krasniqi patën paraqitjen e tyre të parë para Gjykatësit të Procedurës Paraprake dhe u vetëdeklaruan të pafajshëm në lidhje me të gjitha akuzat.

Më 21 prill 2021, gjykatësi i procedurës paraprake miratoi kërkesat e nëntë viktimave dhe i pranoi ato si viktima pjesëmarrëse në procesin gjyqësor, Grupi I. Më 10 dhjetor 2021, gjykatësi i procedurës paraprake miratoi kërkesat e njëmbëdhjetë parashtruesve si pjesë e të njëjtit grup.

Më 22 korrik 2021, Gjykatësi i Procedurës Paraprake, përmes dy vendimeve, miratoi pjesërisht mocionet e Mbrojtjes dhe urdhëroi ZPS-në që të korigjojë dhe ndryshojë aktakuzën, mes tjerash, duke përjashtuar përgjegjësinë e ndërmarrjes së përbashkët kriminale III për krime me synim konkret. ZPS-ja e dorëzoi aktakuzën e ndryshuar më 3 shtator 2021.

Më 17 dhjetor 2021, ZPS-ja e dorëzoi si rreptësisht konfidenciale dhe ex parte dosjen e saj paraprake.

Mbrojtja

Thaçi: Gregori Kiho (Mbrojtës), Dastid Pallaska (Bashkëmbrojtës), Pier Rishar Prosper (Bashkëmbrojtës), Luka Mishetiç (Bashkëmbrojtës) dhe Sofi Menegon (Bashkëmbrojtëse)
Veseli: Ben Emerson (Mbrojtës), Endru Strong (Bashkëmbrojtës) dhe Ani Orajli (Bashkëmbrojtëse)
Selimi: Dejvid Jang (Mbrojtës) dhe Xhefri Robërts (Bashkëmbrojtës)
Krasniqi: Venkateswari Alagendra (Mbrojtëse), Eidën Elis (Bashkëmbrojtës) dhe Viktor Bëjeshu (Bashkëmbrojtës)

Mbrojtja e viktimave

Grupi 1

Sajmon Loz (Mbrojtës), Maria Raxhiovska (Bashkëmbrojtëse)